

**ՀԱՅՏԱՐԱՐՈՒԹՅՈՒՆ**  
**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲԲԱ-ԱՄ-2019/26, 22.02.2019թ.

**Բողոք ներկայացնող անձ՝** «Նամենասեր» ՍՊԸ

**Պատվիրատու՝** Ագարակի համայնքապետարան

**Գնման ընթացակարգի ծածկագիրը և առարկան՝** «ՀՀԱՄ-ԱԳ-ԳՀԱՇՁԲ-19/01» ծածկագրով գնանշման հարցում, Ագարակի համայնքապետարանի կարիքների համար մի քանի փողոցների գազաֆիկացման աշխատանքների ձեռքբերում:

**Բողոքի պահանջը՝**

Դադարեցնել Ագարակի համայնքապետարանի կարիքների համար կազմակերպված «ՀՀԱՄ-ԱԳ-ԳՀԱՇՁԲ-19/01» ծածկագրով գնանշման հարցման ընթացակարգի գնահատող հանձնաժողովի 20.02.2019թ. թիվ 3 արձանագրության 1 կետի համաձայն՝ «Նամենասեր» ՍՊԸ-ի հայտը մերժելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝**  
**S. ԳԵՎՈՐԳՅԱՆ**

Տեղեկացնում ենք, որ բողոքի քննության նպատակով հրավիրվող նիստերին առցանց կարող եք հետևել <https://www.e-gov.am/gnumner/> հղումով կայք-էջում:

Միաժամանակ տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ «Նամենասեդ» ՍՊԸ  
Հասցե՝ ՀՀ, Կոտայքի մարզ, ք.Եղվարդ, Պ.Սևակի 1/51  
հեռ: (094) 56 50 58  
Էլ.փոստ՝ namenased@mail.ru

Պատվիրատու՝ Ազարակի համայնքապետարան  
Հասցե՝ ՀՀ Արագածոտն մարզ, գ.Ազարակ

Գնման ընթացակարգի ծածկագիրը և առարկան՝  
Ազարակի համայնքապետարանի կարիքների համար մի քանի փողոցների  
գազաֆիկացման աշխատանքների ձեռքբերման նպատակով հայտարարված  
«ՀՀԱՄ-ԱԳ-ԳՀԱՇԶԲ-19/01» ծածկագրով գնանշման հարցման ընթացակարգ

ԲՈՂՈՔ

- Բողոքի նախապատմությունը և փաստերը

Ազարակի համայնքապետարանի կարիքների համար կազմակերպվել է «ՀՀԱՄ-ԱԳ-ԳՀԱՇԶԲ-19/01» ծածկագրով գնանշման հարցման ընթացակարգ (այսուհետ նաև Ընթացակարգ), որին 11.02.2019թ. մասնակցության հայտ է ներկայացրել նաև «Նամենասեդ» ՍՊԸ-ն, ինչի արդյունքում Ընթացակարգի 1-ին չափաբաժնի մասով ճանաչվել է առաջին տեղ զբաղեցնող մասնակից:

Այնուհետև, Ընթացակարգի գնահատող հանձնաժողովը հարցում է կատարել ՀՀ ԿԱ ՊԵԿ՝ առաջին տեղ զբաղեցրած մասնակցի ՀՀ պետական բյուջեի նկատմամբ ժամկետանց հարկային պարտավորությունների վերաբերյալ:

Ի պատասխան վերոնշյալ հարցման՝ ՀՀ ԿԱ ՊԵԿ-ի կողմից տրվել է եզրակացություն, համաձայն որի «Նամենասեդ» ՍՊԸ-ն հայտը ներկայացնելու օրվա դրությամբ /11.02.2019թ. / ՀՀ պետական բյուջեի նկատմամբ ունի հարկային մարմնի կողմից վերահսկվող եկամուտների գծով օրենքով նախատեսված շեմը գերազանցող ժամկետանց պարտավորություն 68,097 ՀՀ դրամ:

Մ. Ա. ԿԱՆՎԱՆՅԱՆ  
Ս. Հ. ԿԱՆՎԱՆՅԱՆ  
N 7503-19<sup>1</sup>  
202 02 19

Այնուհետև, գնահատող հանձնաժողովի կողմից «Նամենասեդ» ՍՊԸ-ի հայտը մերժվել է հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց հարկային պարտավորություն ունենալու հիմքով

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 2-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ *հարկային մարմնի կողմից վերահսկվող եկամուտների գծով* ունեն իրենց ներկայացրած գնային առաջարկի մինչև մեկ տոկոսը, բայց ոչ ավելի, քան հիսուն հազար Հայաստանի Հանրապետության դրամը գերազանցող ժամկետանց պարտավորություններ.

ՀՀ պետական եկամուտների կոմիտեի կողմից ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 43-րդ կետի 3-րդ ենթակետով և 44-րդ կետով սահմանված կարգով տրամադրված եզրակացության համաձայն՝ «Նամենասեդ» ՍՊԸ-ն հայտը ներկայացնելու օրվա դրությամբ ՀՀ պետական բյուջեի նկատմամբ ունի 68,097 ՀՀ դրամի ժամկետանց հարկային պարտավորություններ:

Հայտնում ենք, որ «Նամենասեդ» ՍՊԸ-ի մոտ հայտը ներկայացնելու օրվա դրությամբ առկա ժամկետանց հարկային պարտավորությունը առաջացել է <<ՀՀ պաշտպանության ժամանակ զինձառայողների կյանքին կամ առողջությանը պատճառված վնասների հատուցման մասին>>

ՀՀ օրենքի համաձայն՝ *վճարման ենթակա դրոշմանիշների վճարման գծով:*

Նախ, պետք է նշել, որ ՀՀ ԿԱ ՊԵԿ նախագահի 2017թ. հուլիսի 19-ի թիվ 228-Ն հրամանի (հրապարակված է [www.arlis.am](http://www.arlis.am) համակարգում) համաձայն՝ սահմանվել է վերահսկվող եկամուտների գծով պարտավորությունների վերաբերյալ տրվող տեղեկանքը ձև, որտեղ որպես հարկային մարմնի կողմից վերահսկվող եկամուտների գծով պարտավորություն <<ՀՀ պաշտպանության ժամանակ զինձառայողների կյանքին կամ առողջությանը պատճառված վնասների հատուցման մասին>> ՀՀ օրենքի համաձայն՝ *վճարման ենթակա դրոշմանիշների վճարը ընդհանրապես նախատեսված չէ:*

ՀՀ ԿԱ ՊԵԿ նախագահի արդեն 2018թ. ապրիլի 11-ի թիվ 245-Ն հրամանի (հրապարակված է [www.arlis.am](http://www.arlis.am) համակարգում) համաձայն՝ սահմանվել է վերահսկվող եկամուտների գծով պարտավորությունների վերաբերյալ տրվող տեղեկանքի նոր ձև, որտեղ որպես հարկային

մարմնի կողմից վերահսկվող եկամուտների գծով պարտավորություն «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա *դրոշմանիշների վճարը նույնպես նախատեսված չէ:*

*«Հարկ վճարողի անձնական հաշվի քարտի» քաղվածքի համաձայն՝ «Նամենասեղ» ՍՊԸ-ն 11.02.2019թ. դրությամբ հարկային մարմինների կողմից վերահսկվող եկամուտների գծով ժամկետանց պարտավորություններ չունի:* Եվ պետք է նշել, որ Ընկերության միասնական հաշվի պատկերում արտացոլված չէ դրոշմանիշների վճարի վերաբերյալ որևէ տեղեկատվություն, և «Նամենասեղ» ՍՊԸ-ի հայտը ներկայացրել է հիմք ընդունելով «Հարկ վճարողի անձնական հաշվի քարտի» սովյալները, ըստ որի՝ Ընկերությունը հայտը ներկայացնելու օրվա դրությամբ ՀՀ պետական բյուջեի նկատմամբ հարկային մարմնի կողմից վերահսկվող եկամուտների գծով պարտավորություններ չունի: Մինևույն ժամանակ, «Հարկ վճարողի անձնական հաշվի քարտի» քաղվածքում վկայակոչված է ՀՀ ՊԵԿ նախագահի դեռևս 2018թ. ապրիլի 11-ի թիվ 245-Ն հրամանը:

Հայտնում եմ, որ որևիցե եղանակով երբևիցե չեմ ծանուցվել «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարի գծով առկա պարտավորության առկայության մասին: Փաստացիորեն առկա է եղել արձանագրված պարտավորության մասով «Նամենասեղ» ՍՊԸ-ի իրազեկված չլինելու հանգամանքը, քանզի Ընկերությունը հայտը ներկայացնելու օրվա դրությամբ հարկային մարմինների կողմից վերահսկվող եկամուտների գծով ժամկետանց պարտավորությունների վերաբերյալ տեղեկություններ կարող էր ստանալ միայն «Հարկ վճարողի անձնական հաշվի քարտի»-ից, իսկ ինչպես արդեն նշվել է, նշված քարտի սովյալների համաձայն՝ Ընկերության հայտը ներկայացնելու օրը չունի հարկային մարմինների կողմից վերահսկվող եկամուտների գծով որևէ պարտավորություն:

Գտնում եմ, որ նման դեպքում արձանագրված պարտավորությունը չի կարող դիտարկվել «Նամենասեղ» ՍՊԸ-ի հայտը ներկայացնելու օրվա դրությամբ մարմինների կողմից վերահսկվող եկամուտների գծով պարտավորություն:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ...:  
Ելնելով վերոգրյալից՝ ՀՀ գնումների հետ կապված բողոքներ քննող անձին


Խ Ն Յ Ր Ո Ւ Մ Ե Մ՝

Դադարեցնել Ազարակի համայնքապետարանի կարիքների համար կազմակերպված «ՀՀԱՄ-ԱԳ-ԳՀԱՇՁԲ-19/01» ծածկագրով գնանշման հարցման ընթացակարգի գնահատող հանձնաժողովի 20.02.2019թ. թիվ 3 արձանագրության 1 կետի համաձայն՝ «Նամենասեդ» ՍՊԸ-ի հայտը մերժելու մասին որոշումը:

Առդիր՝ Շ Թերթ:

Հարգանքով՝

«Նամենասեդ» ՍՊԸ-ի տնօրեն



22.02.2019թ.